

**7. Ábyrgð á vöru.**

- 7.1 Um ábyrgð gagnvart þriðja aðila gilda almennar reglur.
- 7.2 Birgir taki til sín og endurgreiði við móttöku vöru sem er ósöluhæf vegna gallaðra umbúða eða innihalds.
- 7.3. Taki birgir eigi til sín gallaða vöru áskilur ÁTVR sér rétt til að krefjast geymslugjalds fyrir vöruna. ÁTVR er heimilt að láta eyða vörunni á kostnað birgis þegar tvær vikur eru liðnar frá því birgi var tilkynnt að hann ætti að taka vöruna til sín. Heimilt er að skuldajafna kostnaði við andvirði sölu.

**8. Gildistaka.**

- 8.1 Reglur þessar koma í stað reglna nr. 848/1999 og öðlast þegar gildi. Ákvæði tl. 1.10, 1.11 og 1.12 reglna nr. 105/1999 gilda til og með 31. janúar 2001 um þær sölutegundir sem komnar voru í kjarna 31. janúar 2000. Sömu ákvæði gilda um þær vörur sem komu í reynslusölu í desember 1999 eða fyrir. Tryggi þessar reglur betur veru vöru í kjarna og árangursríka reynslusölu en reglur nr. 105/1999, skal þeim beitt. Vörum á biðlista til reynslusölu skal raða á ný í samræmi við reglur þessar og gildir sú röðun frá 1. febrúar 2000 um allar aðrar vörur en þær, sem þá hefur verið samið um að komi í reynslusölu.

Reykjavík, 15. febrúar 2000.

Í stjórn Áfengis- og tóbaksverslunar ríkisins:

*Hildur Petersen*

*Sigurður M. Magnússon*

*Árni Tómasson*

Með vísan til 13. gr. reglugerðar nr. 205/1998, um Áfengis- og tóbaksverslun ríkisins, staðfestast reglur þessar hér með.

*Fjármálaráðuneytinu, 18. febrúar 2000.*

F. h. r.

**Marianna Jónasdóttir.**

*Tómas N. Möller.*

**SAMÞYKKT**

**um breytingu á samþykkt um stjórn og fundarsköp  
Svalbarðsstrandarhrepps nr. 689/1998.**

1. gr.

Við 6. gr. samþykktarinnar bætist nýr töluliður sem orðast svo:  
Að annast hlutverk húsnæðisnefndar, sbr. lög um húsnæðismál nr. 44/1998.

2. gr.

Eftirfarandi breytingar verða á B-lið 51. gr. samþykktarinnar:

a. Í stað orðsins „bókasafnsnefnd“ í 1. tölul. kemur: Stjórn bókasafns.

b. 2. tölul. orðast svo:

*Félagsmálanefnd.* Þrír aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991.

c. Á eftir 2. tölul. kemur nýr töluliður, 3. tölul., og breytist númeraröð annarra töluliða til samræmis við það. Hinn nýi töluliður orðast svo:

*Barnaverndarnefnd.* Einn aðalmanng og einn til vara (í samvinnu við Arnarneshrepp, Skriðuhrepp, Öxnadalshrepp, Glæsibæjarhrepp, Eyjafjarðarsveit og Grýtubakkahrepp) skv. 6. gr. barnaverndarlaga nr. 58/1992.

Samþykkt þessi sem sveitarstjórn Svalbarðsstrandarhrepps hefur sett samkvæmt ákvæðum 10. og 25. gr. sveitarstjórnarlaga nr. 45/1998 staðfestist hér með til að öðlast þegar gildi.

*Félagsmálaráðuneytinu, 22. febrúar 2000.*

F. h. r.

**Húnbogi Þorsteinsson.**

*Sesselja Árnadóttir.*

17. febrúar 2000

Nr. 132

## AUGLÝSING

### um staðfestingu á samkomulagi milli Norður-Héraðs og Skútustaðahrepps um mörk sveitarfélaganna inn til landsins.

Á grundvelli 2. mgr. 3. gr. sveitarstjórnarlaga nr. 45/1998, sbr. 5. mgr. ákvæðis til bráðabirgða við þau lög, hefur félagsmálaráðuneytið hinn 11. október 1999 staðfest samþykkt hreppsnefndar Norður-Héraðs frá 5. okótober 1999 og samþykkt hreppsnefndar Skútustaðahrepps frá 26. ágúst 1999 um mörk sveitarfélaganna inn til landsins, en samþykktirnar byggja á samkomulagi sem gert var 22. júlí 1997.

Til að ákvarða markalínuna voru notuð kort í mælikvarðanum 1:50 000 sem voru unnin og gefin út af kortagerðarstofnun bandaríska varnarmálaráðuneytisins og Landmælingum Íslands. Þetta eru eftirfarandi kortablöð:

Holuhraun, 2114 IV gert 1988, (C761)

Kverkfjöll, 2114 III gert 1990, (C761)

Snæhetta, 2113 IV gert 1990, (C761)

Þessi kortablöð hafa viðmiðunina Hjörsey 1955 og þverstæða Mercator kortavörpun. Samkvæmt samþykktunum verða mörk sveitarfélaganna á umræddu svæði með eftirfarandi hætti:

„Frá ármótum Svartár og Jökulsár á Fjöllum eru mörkin dregin eftir Jökulsá - yfir Dyngjujökul - vestan við Hveradali - inn á Vatnajökul í línu sem skiptir jöklinum.“

Markalína þessi hefur verið sett inn á kort 1:50 000 sem samsett er úr framangreindum þremur kortablöðum og staðfest af aðilum málsins.

Auglýsing þessi öðlast þegar gildi.

*Félagsmálaráðuneytinu, 17. febrúar 2000.*

**Páll Pétursson.**

*Sesselja Árnadóttir.*